

Toshkent farmasevtika instituti talabalari o'rtasida o'tkaziladigan "Biz korrupsiyaga qarshimiz" mavzusidagi "Eng yaxshi maqola" nominatsiyasidagi masofaviy tanlov Nizomi

I. Umumiy qoidalar

1. O'zbekiston Respublikasi Oliy va o'rta maxsus ta'lim vaziri tomonidan 2020 yilning 17 yanvar kuni tasdiqlangan "2020 yilda yoshlar o'rtasida tarbiyaviy ishlar samaradorligini oshirish bo'yicha Oliy va o'rta maxsus ta'lim vazirligi tizimida amalga oshiriladigan ishlar yuzasidan "Yo'l xaritasi"ning 22-bandi hamda O'zbekiston Respublikasi Oliy va o'rta maxsus ta'lim vazirligining 2020 yilning 20 iyun kuni 330-sonli buyrug'ining ijrosini ta'minlash maqsadida tashkil etiladi.

2. **"Biz korrupsiyaga qarshimiz"** mavzusida "Eng yaxshi maqola" nominatsiyasidagi masofaviy tanlovda institutda tahsil olayotgan talabalarning o'zlarining ijodiy ishlari bilan ishtirok etadi.

3. Tanlov "Eng yaxshi maqola" nominatsiyasida masofaviy o'tkaziladi.

4. Tanlovning institut bosqichlarini tashkil etish va o'tkazish jarayoni institut Yoshlar bilan ishlash prorektori hamda bo'lim boshlig'i tomonidan amalga oshiriladi.

II. Tanlovning maqsadi va vazifalari

5. Tanlovning asosiy maqsadi – yoshlarning huquqiy savodxonligi va huquqiy madaniyatini oshirish, jamiyatda korrupsiyaga nisbatan toqatsizlikni shakllantirish, davlat va jamiyat hayotining barcha sohalarida korrupsiyadan ogohlantirish bo'yicha choralarni amalga oshirish, korrupsion huquqbuzarliklarni o'z vaqtida aniqlash, uning oqibatlari, sabablari va keltirib chiqargan sharoitlarni bartaraf etish hamda korrupsion huquqbuzarliklar sodir etilgani uchun jazo muqarrar ekanligini chuqur anglatish maqsadida institut talabalarini dunyoviylik, vatanparvarlik ruhida tarbiyalashga qaratilgan ma'naviy-ma'rifiy ishlarning ta'sirchanligini oshirish, yoshlarimizni har tomonlama sog'lom va barkamol etib tarbiyalash, o'z iqtidorlarini namoyish etishlari uchun shart-sharoitlar yaratish hamda mustaqil va erkin fikrlaydigan iste'dodli yoshlarni qo'llab-quvvatlashdan iborat.

6. Tanlovning vazifalari quyidagilardan iborat:

- talaba-yoshlarning huquqiy savodxonligi va huquqiy madaniyatini oshirish;
- talaba-yoshlarda korrupsiyaga nisbatan murosasizlik shakllantirish;
- talaba-yoshlarni davlat va jamiyat hayotining barcha sohalarida korrupsiyadan ogohlantirish;
- korrupsion huquqbuzarliklarni o'z vaqtida aniqlash, uning oqibatlari, sabablari va keltirib chiqargan sharoitlarni bartaraf etish hamda korrupsion huquqbuzarliklar sodir etilgani uchun jazo muqarrar ekanligini chuqur anglatish;
- har tomonlama sog'lom va barkamol etib tarbiyalash, o'z iqtidorlarini namoyish etishlari uchun shart-sharoitlar yaratish hamda mustaqil va erkin fikrlaydigan iste'dodli yoshlarni har tomonlama rivojlantirish;
- yoshlarni har tomonlama yetuk, yuksak ma'naviyatli, intellektual salohiyatli, ota-onasiga. Vatanga sadoqatli insonlar qilib tarbiyalash, dasturning mazmun-mohiyati targ'iboti ta'sirchanligini oshirish;

- “Biz korrupsiyaga qarshimiz” mavzusida o‘tkaziladigan “Eng yaxshi maqola” nominatsiyasidagi tanlovdagi talabalarning ijodiy ishlarini keng jamoatchilikka yetkazish.

III. Tanlovni o‘tkazish bo‘hqi va muddatlari

7. “Biz korrupsiyaga qarshimiz” mavzusida o‘tkaziladigan “Eng yaxshi maqola” nominatsiyasidagi masofaviy tanlov 3 bosqichda o‘tkaziladi.

Birinchi bosqich – akademik guruhlar talabalari o‘rtasida joriy yil iyun oyining ikkinchi o‘n kunligida o‘tkaziladi.

Ikkinchi bosqich – fakultetlararo ularning g‘oliblari o‘rtasida iyun oyining uchinchi o‘n kunligida o‘tkaziladi.

Yakuniy bosqich - respublika bosqichi 2020 yil iyul oyining birinchi o‘n kunligida o‘tkaziladi.

IV. Tanlovni tashkil etish va o‘tkazish

8. Tanlovning birinchi, ikkinchi bosqichlarini o‘tkazish bo‘yicha institut professor-o‘qituvchilar, soha mutaxassislari, olimlar, jamoat tashkilotlari vakillaridan iborat tarkibda hakamlar Hay‘ati tuziladi.

9. Tanlovning yakuniy bosqichini tashkil etish va o‘tkazish Respublika Tashkiliy qo‘mitasi tomonidan amalga oshiriladi. Tanlovning yakuniy to‘rtinchi bosqichi g‘oliblarini aniqlash bo‘yicha hakamlar Hay‘ati tuziladi. Xay‘at tarkibiga soha bo‘yicha mutaxassislar jalb etiladi.

10. Tanlovning uchinchi bosqichini tashkil etish va o‘tkazish Tashkiliy qo‘mita tomonidan amalga oshiriladi. Tanlovning yakuniy bosqichi g‘oliblarini aniqlash bo‘yicha Hakamlar hay‘ati tuziladi va tanlov g‘oliblari Tashkiliy qo‘mitaning yig‘ilish bayoni orqali tasdiqlanadi. Hay‘at tarkibiga soha bo‘yicha yetuk mutaxassislar jalb etiladi.

V. Tanlov shartlari va baholash mezonlari

11. Tanlovga taqdim etiladigan maqolalar quyidagi mezonlarda baholanadi:

- mavzuning mazmun-mohiyati to‘la va ravon ochib berilganligi (ilmiy, rasmiy, badiiy kriteriyalariga mos va mavzu dolzarbligiga ko‘ra);
- ijodiy ishlarining stilistik va grammatik jihatdan to‘g‘ri yozilganligi;
- mavzuni yoritishda adabiyotlardan foydalanganlik darajasi va tahliliy yondashuvlar, mustaqil fikrlarning aniq bildirilganligi;
- mavzuni yoritishga o‘ziga xos ijodkorlik xususiyatlari ifoda etilganligi.
- mavzuni yoritishda hayotiy misollardan keng foydalanilganligi va mentalitetimizga mos manbalar yoritilganligi;
- mavzuga oid dolzarb masalalar, ularning yechimlari to‘g‘risida takliflar keltirilganligi;
- maqolada kalit so‘zlar, o‘zbekcha, ruscha, inglizcha annotatsiyalarning mavjudligi.

12. Taqdim etiladigan maqolalar hajmi 8-10 dan 15-20 betgacha bo'lishi mumkin.

13. Har bir mezon 10 ballik tizim asosida baholanadi (jami 70 ball).

VI. Hujjatlarni taqdim etish tartibi

14. Institutda ikkita yo'nalish bo'yicha g'olib bo'lgan, 1- va 2-o'rinni egallagan talabalarning *hujjatlari (institut bayonnomasi va qarori, g'olib bo'lgan talabaning ijodiy materiallari va 10x15 hajmdagi fotosurati)* O'zbekiston Respublikasi Oliy va o'rta maxsus ta'lim vazirligining Tashkiliy qo'mitasiga 2020 yilning **2020 yil 30 iyungacha qadar** 2 nusxa yozma, 1 nusxa elektron variantda (tel: (99) 898-62-50 telegram raqami) orqali qabul qilinadi.

15. Tanlovga taqdim etiladigan maqolalar (o'zbek, rus va ingliz tillarida ham yozilishi mumkin) kompyuter Word dasturida, Times New Roman shriftida 1 intervalda, chapdan 30 mm, o'ngdan 15 mm, yuqori va pastdan 25 mm joy qoldirgan holda yozilgan bo'lishi va matnlar ilmiy, texnik, stilistik tahrir qilingan bo'lishi shart. Maqolalar 10 betdan oshmasligi kerak. Yozma materiallarning 1-nusxasida talabalarning o'qish joyi, fakulteti, kursi va ta'lim yo'nalishi to'liq ko'rsatiladi. 2-nusxasida o'qish joyi, fakulteti, kursi va ta'lim yo'nalishi ko'rsatilmaydi.

16. Yuqoridagi talablarga javob bermaydigan ijodiy ishlar qabul qilinmaydi. Mualliflik huquqi buzilishiga yo'l qo'yilmaydi. **Plagiat holati aniqlanganda ish tanlovdan chetlashtiriladi.**

VII. Tanlov g'oliblarini taqdirlash

17. Tanlovning ikkinchi bosqichida yuqori o'rinlarni (1-, 2-, 3-) egallagan talabalar institut tomonidan maxsus diplom va quyidagi (har biri alohida) miqdorda moddiy rag'batlantiriladi:

18. **“Biz korrupsiyaga qarshimiz” mavzusida o'tkazilgan “Eng yaxshi maqola” nominatsiyasidagi masofaviy ijodiy ishlar:**

1-o'rin - 1 500 000 (bir yarim million) so'm;

2-o'rin - 1 000 000 (bir million) so'm;

3-o'rin - 500 000 (besh yuz ming) so'm.

Shuningdek, respublika bosqichida g'olib bo'lgan talabalar O'zbekiston Respublikasi Oliy va o'rta maxsus ta'lim vazirligi tomonidan faxriy yorliq va moddiy rag'batlantiriladi.